



Br: 01- 50- 1890 /08
Sarajevo: 21.05.2008 godine

Na osnovu Zaključka Vijeća ministara BiH usvojenog na 20. sjednici održanoj 30.08.2007 godine, akt broj 05-07-2025-18/07 od 03.09.2007 godine, Ministarstvo za ljudska prava i izbjeglice BiH objavljuje:

JAVNI POZIV

općinama i gradovima u BiH za dostavu Prijedloga za izradu projekata elektrifikacije lokacija/objekata realizovanog povratka u BiH /Projektni prijedlog/

Uvažavajući veoma teško stanje u oblasti elektrifikacije stambenih jedinica realizovanog povratka u BiH, Vijeće ministara BiH je razmotrilo i usvojilo informaciju Ministarstva za ljudska prava i izbjeglice BiH o stanju i potrebama u elektrifikaciji objekata realizovanog povratka. U cilju hitnog rješavanja ovog problema, Vijeće ministara BiH je odobrilo dio sredstava /od ukupno procijenjenih potreba/, koja bi u naredne 3 godine, uz participaciju drugih relevantnih subjekata i donatora, omogućila elektrifikaciju do sada identifikovanih lokacija/objekata realizovanog povratka.

Sredstva, namijenjena elektrifikaciji lokacija/objekata realizovanog povratka, trošiće se putem Fonda za povratak BiH, a Ministarstvo za ljudska prava i izbjeglice BiH će za svaku godinu raspisivati Javni poziv općinama i gradovima u BiH.

Cilj Javnog poziva:

- utvrđivanje Liste prioriteta elektrifikacije za 2008. godinu sačinjene na osnovu dostavljenih Projektnih prijedloga
- sufinansiranje elektrifikacije lokacija/objekata realizovanog povratka nakon verifikacije Liste prioriteta elektrifikacije za 2008. godinu od strane Komisije za izbjeglice i raseljena lica BiH.
- ažuriranje postojećih podataka o stanju i potrebama u elektrifikaciji lokacija/objekata realizovanog povratka u svrhu srednjoročnog /trogodišnjeg/ planiranja.

Pravo i odgovornost za dostavu Projektnog prijedloga

Pravo i odgovornost za dostavu Projektnog prijedloga imaju općine i gradovi u BiH koje su na nedvojen način utvrdile da na njihovoj teritoriji žive povratnici /realizovani povratak/ u objektima koji su prije rata bili, a u vrijeme izrade Projektnog prijedloga nisu priključeni na elektromrežu.

Kriteriji za izradu Liste prioriteta elektrifikacije za 2008 godinu sačinjene na osnovu prikupljenih Projektnih prijedloga.

Lista prioriteta elektrifikacije za 2008. godinu se utvrđuje po općinama i gradovima, za lokacije/objekte koje je kandidovala općina ili grad, a istu verificovala Komisija za izbjeglice i raseljene osobe BiH. Kriteriji za izradu Liste su sljedeći:

A/ Primarni kriteriji /realizovani povratak/

- ukupan broj kandidovanih objekata/povratnika
- dužina kontinuiranog stanovanja povratnika, od datuma povratka do izrade Projektnog prijedloga
- participacija općine
- participacija elektrodistribucije
- ukupna finansijska vrijednost elektrifikacije
- prosječna finansijska vrijednost elektrifikacije po povratniku/objektu

B/ Sekundarni kriteriji /planirani povratak na mikrolokalitetu realizovanog povratka/

- broj potencijalnih povratnika/broj objekata

Izrada i način dostave Projektnog prijedloga

Projektni prijedlog je na propisan način popunjen i ovjeren Aplikacioni formular. Aplikacioni formular je dostupan na WEB stranici Ministarstva za ljudska prava i izbjeglice BiH www.mhrr.gov.ba/projekti/elektrifikacija, a može se podići i u regionalnim centrima Ministarstva, na adresama kako slijedi:

- Regionalni centar Sarajevo, Vilsonovo šetalište 10, Sarajevo, tel. 033/550-710
- Regionalni centar Banja Luka, Vase Pelagića 15/1, Banja Luka, tel.051/218-089
- Regionalni centar Mostar, Husnije Repca bb, Mostar, tel. 036/555-841
- Regionalni centar Tuzla, Trg slobode bb, Tuzla, tel. 035/253-603

Projektni prijedlog se kovertira i poštom dostavlja na adresu: Ministarstvo za ljudska prava i izbjeglice BiH, Trg BiH broj 1, Sarajevo, sa oznakom ZA JAVNI POZIV – Prijedlog za izradu projekata elektrifikacije lokacija/objekata realizovanog povratka u BiH /Projektni prijedlog/

Rok za dostavu Projektnog prijedloga

Rok za dostavu Projektnog prijedloga je 30 dana, računajući od dana objavljivanja Javnog poziva.

Za sve dodatne informacije u vezi s Javnim pozivom, općine i gradovi se mogu obratiti na broj 033/443-015 ili telefonske brojeve regionalnih centara.

M i n i s t a r

Dr. Safet Halilović